



(16 KL)

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona”, broj: 5/08), a u vezi sa članom 64. stav (1) tačka b), 70. stav (1), (3) i (6) Zakona o javnim nabavkama („Službeni glasnik Bosne i Hercegovine“, broj: 39/14), na Preporuku Komisije u Zapisniku o ocjeni ponuda broj: 03/5-45-14411-12/2020 od 10.12.2020. godine u postupku javne nabavke-„Nabavka novog putničkog motornog vozila“ Vlada Unsko-sanskog kantona na sjednici održanoj dana 14.12.2020. godine, d o n o s i :

ODLUKU

o izboru najpovoljnijeg ponuđača za nabavku novog putničkog motornog vozila

Član 1.

Prihvata se Preporuka Komisije za javne nabavke za predmet ugovora „Nabavka novog putničkog motornog vozila” i dodjeljuje se ugovor ponuđaču „Una-auto” d.o.o. Bihać, prema dostavljenoj ponudi broj: 909-160 od 27.11.2020. godine u ukupnoj vrijednosti od 23.760,68 KM bez PDV-a, odnosno 27.800,00 KM sa PDV-om.

Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i objavit će se na web stranici www.vladausk.ba, istovremeno s upućivanjem odluke ponuđačima koji su učestvovali u postupku javne nabavke.

O b r a z l o ž e n j e

Na osnovu Odluke Vlade Unsko-sanskog kantona, broj: 03-017-2324/2020 od 05.11.2020. godine, Poljoprivredni zavod Unsko-sanskog kantona je objavio na Portalu javnih nabavki Obavještenje o nabavci, broj: 5707-7-1-17-3-2/20 dana 16.11.2020. godine za predmet nabavke: „Nabavka novog putničkog motornog vozila“ putem konkurentskog zahtjeva za dostavu ponuda.

Po isteku roka za podnošenje ponuda (do 10.12.2020. godine do 12:00 h) evidentirano je da je pristigla 1 (jedna) ponuda, i to:

- „Una-auto“ d.o.o. Bihać, broj: 16-45-14411-10/20 od 01.12.2020. godine u 11:50 h.

Neblagovremenih pristiglih ponuda do javnog otvaranja u ovom postupku nije bilo.

Komisija za javne nabavke imevana Rješenjem Vlade Unsko-sanskog kantona, broj: 03-017-927/2019 od 23.09.2019 i broj: 03-017-997/2019 od 09.10.2019. godine je provela postupak provjere kvalifikacije ponuđača te sačinila spisak kvalifikovanih ponuđača sa ponuđenom početnom cijenom s obzirom da je pristigla jedna ponuda, e-aukcija se ne provodi. Uvidom u priloženu dokumentaciju i suštinsku provjeru sadržaja i validnosti dokumentacije, Komisija je utvrdila da dostavljena dokumentacija ponuđača „Una-auto“ d.o.o. Bihać ispunjava formalno pravne i tehničke zahtjeve ugovornog organa, te da je prihvatljiva i može biti predmet vrednovanja.

Komisija za javne nabavke nakon ocjene ponuda je konstatirala da je najpovoljnija ponuda, ponuda ponuđača „Una-auto“ d.o.o. Bihać i predlaže njegov izbor te dala Preporuku za izbor najpovoljnijeg ponuđača za nabavku novog putničkog motornog vozila.

Na osnovu navedenog ugovorni organ donosi Odluku kao u dispozitivu.

POUKA O PRAVNOM LIJEKU:

Protiv ove Odluke može se izjaviti pismena žalba Vladi Unsko sanskog kantona, najkasnije u roku od 5 (pet) dana od dana prijema ove Odluke.

Broj: 03-017-2454/2020
Bihać, 14.12.2020. godine

